

თერჯოლის მუნიციპალიტეტი

სატენდერო დოკუმენტაცია

თერჯოლის მუნიციპალიტეტში მცხოვრებ მართხელა და შეჭირვებულ მოქალაქეებზე

საკვები პროდუქტით დახმარების 2017 წლის პროგრამის ფარგლებში

ბრინჯის, ლობიოს და წიწიბურას სახელმწიფო შესყიდვა

გამარტივებული ელექტრონული ტენდერი

შესყიდვის სავარაუდო ღირებულება - 4200 ლარი

CPV- 03200000 - ბურღულეული, კარტოფილი, ბოსტნეული, ხილი და თხილეული

წინამდებარე სატენდერო დოკუმენტაცია შედგენილია საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის“ დამტკიცების შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე.

1. ინსტრუქცია ტენდერში მონაწილეთათვის

სახელმწიფო შესყიდვების ერთიან ელექტრონულ სისტემაში (შემდგომში – „სისტემა“) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2 ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარმოდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე. იმ შემთხვევაში თუ ტენდერში მონაწილე პირი უცხოეთის მოქალაქეა ან უცხოეთში რეგისტრირებული იურიდიული პირია აუცილებლობას წარმოადგენს წარმოდგენილი იქნეს პირის რეგისტრაციასთან დაკავშირებული ინფორმაციაც დამოწმებული, ამისათვის უფლებამოსილი ადმინისტრაციული ორგანოს მიერ (საელჩო, საკონსულო და/ან სხვა ადმინისტრაციული ორგანო).

1.3 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და/ან ინფორმაცია ხელმოწერილი და/ან ბეჭედადსმული (ბეჭდის არსებობის შემთხვევაში) უნდა იქნეს უფლებამოსილი პირის მიერ (საჭიროების შემთხვევაში, ატვირთული უნდა იქნეს მინდობილობა ან რწმუნებულება).

1.4 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.5 პრედენდენტს არა აქვს უფლება წარმოადგინოს ალტერნატიული სატენდერო წინადადება

2. საკვალიფიკაციო მოთხოვნები:

2.1. საკვალიფიკაციო მოთხოვნები არ გამოიყენება.

3. ტექნიკური დოკუმენტაცია:

3.1. შესყიდვის ობიექტი:

3.1.1 თერჯოლის მუნიციპალიტეტში მცხოვრებ მართხელა და შეჭირვებულ მოქალაქეებზე საკვები პროდუქტებით დახმარების 2017 წლის პროგრამის ფარგლებში ბრინჯის ლობიოს და წიწიბურას სახ. შესყიდვა.

3.2. შესყიდვის ობიექტის მიწოდების ვადები და ადგილი:

3.2.1. მიწოდება უნდა განხორციელდეს 2017 წლის 01 იანვრიდან 2017 წლის 31 დეკემბრის ჩათვლით, ეტაპობრივად შემსყიდველის მოთხოვნის შესაბამისად. შემსყიდველის მოთხოვნიდან დაუყოვნებლივ, მაგრამ არაუგვიანეს იმავე დღისა.

3.2.3. მიწოდების ადგილი: პროდუქციის მიწოდება უნდა განხორციელდეს ქ. თერჯოლაში მიმწოდებლის საკუთრებაში/ მფლობელობაში არსებული კეთილმოწყობილი სავაჭრო ობიექტიდან.

3.3 შესყიდვის ობიექტის მიწოდების პირობები და სხვა დამატებითი მოთხოვნები.

3.3.1. საქონლის გაცემა უნდა მოხდეს შემდეგი პრინციპით, ბენეფიციარი მიმწოდებლის სავაჭრო ობიექტში წარადგენს შემსყიდველი ორგანიზაციის მიერ გაცემულ დოკუმენტს (პროდუქტის გაცემის შესახებ) ხელმოწერილი და ბეჭედასმული სახით, სადაც მითითებული იქნება გასაცემი პროდუქციის სახეობა და რაოდენობა, რის შესაბამისადაც მიმწოდებლის მიერ უნდა მოხდეს პროდუქტის გაცემა.

3.3.2. მიწოდებული პროდუქცია უნდა იყოს მაღალი ხარისხის და ეკოლოგიურად სუფთა.

3.3.3. პრედენდენტს ქალაქ თერჯოლაში უნდა გააჩნდეს საკუთარი ან საქართველოს სამოქალაქო კოდექსით ნებადართული ან აუკრძალავი ნებისმიერი ფორმით, კეთილმოწყობილი სავაჭრო ობიექტი, საკუთრების შემთხვევაში წარმოდგენილი უნდა იქნას საკუთრების დამადასტურებელი დოკუმენტების ასლები, სხვა შემთხვევაში – შესაბამისი დამადასტურებელი დოკუმენტ(ებ)ის ასლები (ქირის, იჯარის, ხელშეკრულების ასლ(ებ)ი), რომელიც არ უნდა იყოს საქონლის მიწოდების ვადაზე ნაკლები. ინფორმაციის სისწორე სავაჭრო ობიექტის ადგილზე მონახულებით გადამოწმებული იქნება თერჯოლის მუნიციპალიტეტის გამგეობის შესაბამისი სტრუქტურული ერთეულის მიერ.

3.5 მიღება-ჩაბარების ,ანგარიშსწორების წესი და პირობები

3.5.1. „შემსყიდველი“ შესყიდვის ობიექტის მიღებას მოახდენს ეტაპობრივად (ყოველთვიურად) ფაქტიურად მიწოდებული საქონლის შესაბამისად.

3.5.2. „შემსყიდველი“ –ს მიერ საქონელი მიღებულად ჩაითვლება მიღება-ჩაბარების აქტის დადასტურების შემდეგ.

3.5.3. ფაქტიურად შესყიდვის ობიექტის მიღების დამტკიცებას თერჯოლის მუნიციპალიტეტის გამგეობის შესაბამისი უფლებამოსილი სტრუქტურული ერთეულის დადასტურების საფუძველზე ახორციელებს თერჯოლის მუნიციპალიტეტის გამგებელი.

3.5.4. სატენდერო წინადადება წარმოდგენილი უნდა იყოს ეროვნულ ვალუტაში, საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან. დაკავშირებული ყველა გადასახადის გათვალისწინებით.

3.5.5. ანგარიშსწორება მოხდება უნაღდო ანგარიშსწორებით ეროვნულ ვალუტაში.

3.5.6. წინასწარი ანგარიშსწორების ფორმა (ავანსი) არ გამოიყენება.

3.5.7. ანგარიშსწორების საფუძველია მხარეების, უფლებამოსილი პირების მიერ გაფორმებული მიღება-ჩაბარების აქტი.

3.5.8. მიმწოდებელთან ანგარიშსწორება განხორციელდება ეტაპობრივად (ყოველთვიურად) ფაქტიურად მიწოდებული პროდუქციის შესაბამისად, მიღება-ჩაბარების აქტის გაფორმებიდან და ანგარიშსწორებისათვის საჭირო დოკუმენტაციის წარმოდგენიდან 10 (ათი) კალენდარულ დღეში.

3.5.9. დაფინანსების წყარო: 2017 წლის ადგილობრივი ბიუჯეტი.

3.6. პრეტენდენტის მიერ ერთიან ელექტრონულ სისტემაში წარმოსადგენი დოკუმენტაცია:

- ✓ დანართი №1 პრეტენდენტის რეკვიზიტები;
- ✓ დანართი №2 – ფასების ცხრილი.
- ✓ ქ. თერჯოლაში კეთილმოწყობილი სავაჭრო ობიექტის საკუთრების/მფლობელობის დამადასტურებელი დოკუმენტ(ებ)ი.

✓ ინფორმაცია სავაჭრო ობიექტის ადგილმდებარეობის შესახებ.

3.7. ფასწარმოქმნის ადეკვატურობის დასაბუთება:

3.7. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, უნდა დასაბუთდეს ექსპერტიზის დასკვნით, რომელიც დაადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ექსპერტიზის დასკვნა წარმოდგენილი უნდა იყოს შემსყიდველის მოთხოვნიდან 3(სამი) სამუშაო დღოს ვადაში.

3.8. დამატებითი ინფორმაცია:

სატენდერო დოკუმენტაციასთან დაკავშირებული განმარტების ან/და დაზუსტების მიღება პრეტენდენტს შეუძლია წერილობითი მიმართვის შემთხვევაში შემდეგ მისამართზე: ქ. თერჯოლა რუსთაველის ქ. N 109 საკონტაქტო პირი სატენდერო კომის ზურაბ გოგნაძე 577 79 27 79, ელ. ფოსტა: sheskidvebi.terjola@gmail.com

სახელმწიფო შესყიდვების შესახებ ხელშეკრულების პროექტი

გამარტივებული ელექტრონული ტენდერი № SPA-----

ხელშეკრულების პირობების საბოლოო ვარიანტი დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ქ. თერჯოლა.

----- 2016 წ.

ერთის მხრივ,

თერჯოლის მუნიციპალიტეტი

წარმოდგენილი თერჯოლის მუნიციპალიტეტის გამგებლის, თეიმურაზ ჯაფარიძის სახით,

მის: ქ. თერჯოლა, რუსთაველის გამზ. №109.

საიდენტიფიკაციო ნომერი: № 231 946 623.

ტელეფონის ნომერი: -----

ხაზინის ერთიანი ანგარიში: TRESGE22

ანგარიშის ნომერი: -----

(შემდგომში შემსყიდველი)

და მეორეს მხრივ,

----- (შემდგომში მომწოდებელი)

„სახელმწიფო შესყიდვების შესახებ“ საქართველოს კანონმდებლობისა და „მიმწოდებლი“-ს სატენდერო წინადადების საფუძველზე, № SPA----- გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა.

ორგანიზაციას (დაწესებულებას), ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „შემსყიდველი ორგანიზაცია“ (შემდგომ „შემსყიდველი“) ნიშნავს რომელიც ახორციელებს შესყიდვას;

1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და ახორციელებს სამუშაოს სახელმწიფო შესყიდვის შესახებ მოცემული ხელშეკრულების ფარგლებში.

1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

1.7 „ტექნიკური დავალება“ – „შემსყიდველი“-ს მიერ № ----- გამარტივებულ ელექტრონულ ტენდერში სატენდერო დოკუმენტაციით განსაზღვრული მოთხოვნები და „მიმწოდებლის“ მიერ ამ მოთხოვნების შესაბამისად წარმოდგენილი ტექნიკური დოკუმენტაცია.

2. ხელშეკრულების ობიექტი და კლასიფიკატორის კოდი

2.1 თერჯოლის მუნიციპალიტეტში მცხოვრებ მარტოხელა და შეჭირვებულ მოქალაქეებზე საკვები პროდუქტებით დახმარების 2017 წლის პროგრამის ფარგლებში ბრინჯის ლობიოს და წიწიბურას სახ. შესყიდვა.

2.2 ხელშეკრულებით გათვალისწინებული მომსახურების აღწერა მოცემულია ტექნიკური.

2.3 კლასიფიკატორის კოდი –

3. ხელშეკრულების ღირებულება

3.1 მისაწოდებელი საქონლის ჯამური ღირებულება შეადგენს _____ ლარს.

3.2 ხელშეკრულების ღირებულება მოიცავს საქონლის მიწოდებასთან დაკავშირებულ ყველა ხარჯს, მათ შორის კანონმდებლობით გათვალისწინებულ ყველა გადასახადს.

4. ხელშეკრულების შესრულების კონტროლი

4.1 ხელშეკრულებით გათვალისწინებული პირობების შესრულების კონტროლი განხორციელდება თერჯოლის მუნიციპალიტეტის გამგეობის შესაბამისი უფლებამოსილი სტრუქტურული ერთეულის მიერ.

4.2 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“, კონტროლის ჩატარებისათვის აუცილებელი პერსონალით, ტექნიკური საშუალებებითა და სხვა სამუშაო პირობებით. იმ შემთხვევაში, თუ „შემსყიდველი“ კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით „შემსყიდველი“.

4.3 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

5. საქონლის მიწოდების პირობები და ვადები

5.1. მიწოდება უნდა განხორციელდეს 2017 წლის 01 იანვრიდან 2017 წლის 31 დეკემბრის ეტაპობრივად შემსყიდველის მოთხოვნის შესაბამისად. შემსყიდველი მოთხოვნიდან, დაუყოვნებლივ, მაგრამ არაუგვიანეს იმავე დღისა.

5.2. მიწოდების ადგილი: პროდუქციის მიწოდება უნდა განხორციელდეს ქ. თერჯოლაში მიმწოდებლის საკუთრებაში/ მფლობელობაში არსებული კეთილმოწყობილი სავაჭრო ობიექტიდან.

6. შესყიდვის ობიექტის მიღება-ჩაბარების წესი

6.1 „შემსყიდველი“ შესყიდვის ობიექტის მიღებას მოახდენს ეტაპობრივად ფაქტიურად მიწოდებული საქონლის შესაბამისად.

6.2 „შემსყიდველი“-ს მიერ საქონელი მიღებულად ჩაითვლება მიღება-ჩაბარების აქტის დადასტურების შემდეგ.

6.3 ფაქტიურად შესყიდვის ობიექტის მიღების დამტკიცებას თერჯოლის მუნიციპალიტეტის გამგეობის შესაბამისი უფლებამოსილი სტრუქტურული ერთეულის დადასტურების საფუძველზე ახორციელებს თერჯოლის მუნიციპალიტეტის გამგებელი.

7. ანგარიშსწორება

7.1. ანგარიშსწორება განხორციელდება ეტაპობრივად, (ყოველთვიურად) „მიმწოდებლის“ წერილობითი მომართვის საფუძველზე.

7.2 „მიმწოდებლის“ წერილობით მომართვას ანგარიშსწორების თაობაზე უნდა დაერთოს: ა) ფაქტიურად გაწეული მომსახურების დასახელება და ღირებულება, ბ) მიღება-ჩაბარების აქტი, გ) გაწეული მომსახურების შესაბამისად ამოწერილი დღგ-ს ანგარიშფაქტურა ან სხვა საგ დოკუმენტი.

7.3. გაწეული მომსახურების ანგარიშსწორება „მიმწოდებელთან“ განხორციელდება უნაღდო ანგარიშსწორებით, ლარებში.

7.4 ანგარიშსწორება განხორციელდება ეტაპობრივად (ყოველთვიურად), სათანადო დოკუმენტების წარმოდგენიდან 10 (ათი) სამუშაო დღის განმავლობაში.

8. ხელშეკრულებაში ცვლილების შეტანა

8.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.2 ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველი“ ორგანოზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

8.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

8.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს გონივრულ ვადაში მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

10. მხარეთა უფლება-მოვალეობები

10.1 „შემსყიდველი“ უფლებამოსილია: –გასაწევი მომსახურების დასრულებამდე ნებისმიერ დროს მოითხოვოს „მიმწოდებლისგან“ მისთვის საჭირო ინფორმაცია

10.2 „შემსყიდველი“ ვალდებულია: – უზრუნველყოს „მიმწოდებელი“-ს მიერ გაწეული მომსახურების ანაზღაურება ხელშეკრულებით გათვალისწინებული ვადების და პირობების დაცვით.

10.3 „მიმწოდებელი“ უფლებამოსილია: – მოსთხოვოს „შემსყიდველს“ გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

10.4 „მიმწოდებელი“ ვალდებულია: – დროულად და კეთილსინდისიერად შეასრულოს ხელშეკრულებით ნაკისრი ვალდებულებები.

11. ხელშეკრულების პირობების შეუსრულებლობა

11.1 დაუძლეველი ძალის გარდა ხელშეკრულების მხარეების მიერ ხელშეკრულების პირობების შეუსრულებლობის ან/და დაგვიანებით შესრულების შემთხვევაში გამოიყენება საჯარიმო სანქციები: – ხელშეკრულების თვითნებურად შეწყვეტის შემთხვევაში ხელშეკრულების შემწყვეტი მხარე გადაიხდის ხელშეკრულებით გათვალისწინებული თანხის 20% (ოცი)-ის ოდენობით.

11.2 მხარეს ხელშეკრულებით გათვალისწინებული პირობების დაგვიანებით შესრულებისათვის ყოველ ვადაგადაცილებულ დღეზე დაეკისრება პირგასამტეხლო ხელშეკრულების ჯამური ღირებულების 0.2%-ის ოდენობით.

11.3 მხარემ რომელმაც ვერ შეასრულა ან არაჯეროვნად შეასრულა ხელშეკრულებით ნაკისრი ვალდებულებები და ამოწურულია ხელშეკრულების მოქმედების ვადა ან ხელშეკრულება ვადაზე ადრე შეწყდა დაეკისრება პირგასამტეხლო ხელშეკრულების მთლიანი ღირებულების 20 % ოდენობით მეორე მხარის სასარგებლოდ.

11.4 მხარემ რომელმაც ნაწილობრივ შეასრულა ხელშეკრულებით ნაკისრი ვალდებულებები და ამოწურულია ხელშეკრულების მოქმედების ვადა ან ხელშეკრულება ვადაზე ადრე შეწყდა დაეკისრება პირგასამტეხლო შესასრულებელი(დარჩენილი) ვალდებულების 10% ოდენობით.

11.5 საჯარიმო სანქციის გადახდა არ ათავისუფლებს „მიმწოდებელს“ ძირითადი ვალდებულებების შესრულებისადმი.

12. ხელშეკრულების შეწყვეტა

12.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

12.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე დაუყოვნებლივ.

12.3 ხელშეკრულების შეწყვეტის საფუძვლებია:

- ა)თუ მხარისათვის ცნობილი გახდა, რომ მიმწოდებელს მისგან დამოუკიდებელი მიზეზები გამო არ შეუძლია ხელშეკრულების ნაკისრი ვალდებულებების შესრულება.
- ბ) თუ ხელშეკრულების პირობების დაგვიანებით შესრულების გამო პირგასამტეხლოს ოდენობა მიაღწევს მთლიანი სახელშეკრულებლო ღირებულებ 1% პროცენტს.
- გ) თუ მხარე სისტემატიურად არღვევს ხელშეკრულებით გათვალისწინებულ პირობებს.
- დ) თუ მხარე არ ასრულებს ან არაჯეროვნად ასრულებს ხელშეკრულებით გათვალისწინებულ პირობებს.
- ე) თუ შემსყიდველისთვის ცნობილი გახდება,რომ მიმწოდებლის წარმოდგენილი დოკუმენტების ყალბი აღმოჩნდება.
- ვ) საქართველოს კანონმდებლობით გათვალისწინებულს სხვა შემთხვევებში.

13. დაუძლეველი ძალა

- 13.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეულ პასუხისმგებლობისგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 13.2 თუ ერთ–ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.
- 13.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

14. სადავო საკითხების გადაწყვეტა

- 14.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

15. გადასახადები და დაბეგვრა

- 15.1 ადგილობრივი „მომწოდებელი“ პასუხს აგებს საქართველოს კანონმდებლობით დადგენილი გადასახადის, მოსაკრებლების და სხვა გადასახდელების გადახდაზე.

16. ხელშეკრულების მოქმედების ვადა

- 16.1 წინამდებარე ხელშეკრულების მოქმედება ძალაშია:-----
- 16.2 ხელშეკრულება შედგენილია სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. 1 (ერთი) პირი „მიმწოდებელთან“ და 2 (ორი) პირი

20. ხელშეკრულების მხარეები

„შემსყიდველი“	„მიმწოდებელი“
თერჯოლის მუნიციპალიტეტი	-----
მუნიციპალიტეტის გამგებელი	-----
-----	-----
თეიმურაზ ჯაფარიძე	-----

დანართი №1 (პრეტენდენტის რეკვიზიტები)

- პრეტენდენტის იურიდიული ფორმა და დასახელება:
- ხელმძღვანელის თანამდებობა, სახელი და გვარი:
- პრეტენდენტის იურიდიული ან/და ფაქტიური მისამართი:
- საიდენტიფიკაციო კოდი:
- პრეტენდენტის ტელეფონის ნომერი:
- ელექტრონული მისამართი:
- ბანკი ბანკის კოდი :
- ანგარიშის ნომერი

(პრეტენდენტის დასახელება)

(ხელმოწერა)

(სახელი, გვარი, თანამდებობა)

(თარიღი, ბ.ა)

შესყიდვის ობიექტი	აღწერილობა	განზ. ერთ.	რაოდენობა	წარმოშობის ქვეყანა მწარმოებელი კომპანია	ერთ ფასი	სულ ღირებულება
ბრინჯი	უმაღლესი ხარისხის, თეთრი ფერის, უცხო მინარევების, სინესტის და მაგნებლების გარეშე. სურსათის უვნებლობა, უნდა აკმაყოფილებდეს საქართველოში მოქმედი კანონმდებლობით დადგენილ მოთხოვნებს და მოქმედ სტანდარტებს. (დაფასოება მოთხოვნის შესაბამისად)	კგ	1500			
ლობიო	უმაღლესი ხარისხის, მალე ხარშვადი, ობის, სინესტის და სუნის გარეშე, ფორმა მოგრძო ან მრგვალი. სურსათის უვნებლობა, უნდა აკმაყოფილებდეს საქართველოში მოქმედი კანონმდებლობით დადგენილ მოთხოვნებს და მოქმედ სტანდარტებს (დაფასოება მოთხოვნის შესაბამისად)	კგ	300			
წიწიბურა	უმაღლესი ხარისხის, მოყავისფრო ფერის, ობის, სინესტის და სუნის გარეშე, ფორმა მოგრძო ან მრგვალი. სურსათის უვნებლობა, უნდა აკმაყოფილებდეს	კგ	250			

	საქართველოში მოქმედი კანონმდებლობით დადგენილ მოთხოვნებს და მოქმედ სტანდარტებს (დაფასოება მოთხოვნის შესაბამისად)					
--	---	--	--	--	--	--

(პრედენდენტის დასახელება)

(ხელმოწერა)

(სახელი, გვარი, თანამდებობა)

(თარიღი, ბ.ა)

